

樂城集

樂城集卷之十三

宋眉山蘇轍子由著

明東吳王執禮子敬全校
顧天叙禮初

詩八十六首

除夜

老去不自覺歲除空一驚
深知無得喪久已罷經營
黃卷譏前失清樽借後生
何年遂疎懶伏臘任躬耕

種蘭

蘭生幽谷無人識
客種東軒遺我香
知有清芬能解穢
更憐細葉

夢坡集卷之一
三
巧凌霜根便密石秋芳早
鼓倚修筠午蔭涼
欲遣薜蘿共堂下
眼前長見楚詞章

上元夜

新春收積雨
明月澹微雲
照水疎燈出
因風遠樂聞
天涯仍有節
人事竟何分
賣酒真拘束
何時一醉醺

次韻王適上元夜二首

燈光欲凝不驚風
月色初晴若發蒙
羈客不眠詩未就
遊人半醉夜方中
荒城熠燿相明滅
野水芙蓉亂白紅
知欲訪僧同寂寂
應憐病懶畏燭燭

宿雨初乾試火城端居無計伴遊行厭看門外繁星動想見僧窗
一點明老罷逢春無樂事夢回孤枕有鄉情重因佳句思樊口一
紙家書百鎰輕

王子立與遲等遊陳家園橋敗幾不成行晚自酒務往見之
明日雨作偶爾成詠

桃李城東近不遙偶聞花發喜相邀斷橋似欲妨佳思好雨猶能
借此朝隨分開樽依綠草偶然信馬及餘瓢重來莫道無閑暇紫
燕黃鸝日漸嬌

幽蘭花二絕

李徑桃蹊次第開
穠香百和襲人來
春風欲擅秋風巧
催出幽蘭繼落梅

珍重幽蘭開一枝
清香耿耿聽猶疑
定應欲較香高下
故取羣芳競發時

胡長史祠堂

白首青衫仍隱居
晚拋環堵就安輿
生芻忽改烹嘗地
函丈空悲講解餘
弟子璵璠相照耀
兒孫松桂共扶疎
我來恨不瞻遺老
空怪鄉隣盡讀書

孫賓叟道人

萬里飄然不繫舟
酒壚一笑便相投
千金不換金丹訣
何事惟須一布裘

新橋

六月長橋斷不收
朱欄初喜映春流
虹腰宛轉三百尺
鯨背參差十五舟
入市樵蘇看絡繹
歸家鹽酪免遲留
病夫最與民同喜
卯酉怱怱無復憂

曾子宣郡太挽詞二首

族大徽音遠年高福祚多
生兒盡龍虎封國裂山河
象服驚初掄埋文信不磨
送車江郭滿咽絕聽哀歌

其二

安輿遍西北丹旄歷江湖存沒終無憾
哀榮兩得俱新封崇馬鬣
餘福薦浮圖家法蘋蘩在空堂始一虞

曾子固舍人挽詞

少年漂泊馬光祿末路騫騰朱會稽
儒術遠追齊稷下文詞近比
漢京西平生碑版無容繼此日銘詩誰爲題
試數廬陵門下士十
年零落曉星低

次韻王適一百五日太平寺看花二絕

遍入僧房花照眼細尋芳徑蝶隨行
歸時不怕江波晚新有橋虹

水上橫

小檻明窗曾不住閑花芳草遣誰栽但須匹馬尋幽勝攜取清樽到處開

又次韻遊小雲居

溪上浮花片片輕泝流登岸得山行僧房幽絕雲居小春日陰晴
野色明永遠林棲眞有道溺沮耕養亦忘情此身此意何年遂空
使常談笑老生

次韻秦觀梅花

病夫毛骨日凋槁愁見米鹽惟醉倒忽傳騷客賦寒梅感物傷春

同懊惱江邊不識朔風勁牆頭亦有南枝早未開素質夜先明半
落清香春更好鄰家小婦學閑嬌靚粧惟有長睂掃孤芳已與飛
霰競結子仍先百花老苦遭橫笛飛英不見遊人醉芳草可憐
物性空自知羞作繁華助芒昊

復次前韻答潛師

憐君古木依巖槁西江飲盡須彌倒野花幽草亦何爲嶮韻高篇
空自惱萬點浮溪輒長嘆一枝過嶺仍誇早拾香不忍遊塵汙嚼
蕊更憐眞味好道人遇物心有得瓦竹相敲緣自掃誰知眞妄了
不妨令我至今思璉老妙明精覺昔未識但向閑窗看詩草浮雲

時起鳥四飛畢竟安能亂清昊

景福順老夜坐道古人搐鼻語

中年聞道覺前非邂逅仍逢老順師
搐鼻徑參真面目掉頭不受別鉗
鉗枯藤破衲公何事白酒青鹽我是
誰慚愧東軒殘月上一盃甘露滑如飴

畫枕屏

繩床竹簟曲屏風野水遙山霧雨濛
長有灘頭釣魚叟伴人閑臥寂寥中

次韻王適畱別

遠謫勞君兩度行復將文字試平衡
干時豈爲斗升祿聞道應忘
寵辱驚未了新書誰與讀
重畱佳句不勝情決科事畢知君喜俗
學消磨意自清

次韻子瞻特來高安相別先寄遲迺遠卻寄邁迨過遯

老兄騎驢日百里據鞍作詩若飈水
忽吟春草思惠連因之亦夢
添丁子羣兒競長堪一笑老馬臥餐
何日起聞兄盡室皆舊人見
面未曾惟遯耳遲年最長二十六已
能幹父窮愁裡豫兒揚眉稍
剛勁黨子溫純無愠喜我兄憔悴我
亦窮門戶久長眞待爾但合
戢戢見頭角甌倒囊空定何恥家藏
萬卷須盡讀此外一簪無所

恃船中未用廢詩書閑窗莫看江山美

次韻子瞻端午日與遲适遠三子出遊

人生逾四十朝日已過午一違少壯樂日迫老病苦丹心變爲灰
白髮粲可數惟當理鉏耰教子執耒耜誰令觸網羅展轉在荆楚
平生手足親但作十日語朝遊隔提攜夜臥困烝煮未歌棠棣詩
已治芻蕘祖士生際風雲富貴若騎虎奈何貧賤中所欲空齟齬
次韻子瞻畱別三首

公來十日坐東軒手自披雲出朝日山川滿目竟何有波浪翻天
同一濕諸門迭出驚異狀間道懷歸終舊壁此行十里隔江河何

人更問維摩疾

野人性似修行僧長願幽居近林麓南遷無計脫簪組西歸誰爲
栽松竹頭上白雲卽飛蓋耳畔清泉當鳴玉洛川猶是冠蓋林更
願高飛逐黃鵠

東西南北無住身羯末封胡四男子彫鏤不遣治章句爛熳先令
飽文字疎慵嗟我厲之人生子夜中惟恐似傳家粗足不願餘同
駕柴車還我里

次韻子瞻行至奉新見寄

四年候公書長視飛鴻背十日畱公談欲作白蓮會

筠州無可與
者往還但一

二僧 匏瓜一遭繫賣酒長不在夜歸步江濤明月照清瀨心閒忽

自得語異竟非背倍音一尊談入間萬事寂寥外欲同千里行柰此

一官礙何年眞耦耕舉世無此大

贈醫僧鑒清二絕

肘後醫方老更精鬚眉白盡氣彌清只應救病能無病豈是平生

學養生

門人久作開堂老庭檜看成合抱圍他日浴室歸洗背回頭還解

放光輝

贈醫僧善正

老怯江邊瘴，羈鄉城東時。喜到公房，歷言五藏如經眼。欲去三彭，自有方身厭。遠遊安靜，術因多病更深長。時時爲我談尊宿，曾入南公古道場。

食菱

野沼漲清泉，鳥菱不直錢。蟹肥螯正滿，石破髓初堅。節物秋風早，樽壘夜月偏。令人思淮上，小舫藕如椽。

畱滯高安四年有餘，忽得信聞當除官。真楊間偶成小詩書于屋壁。

數間茅屋久蹉跎，四見秋風入薜蘿。北棹偶然追雁羽，南公誰復

伴漁蓑三年賈傳驚吾老九歲劉郎愧爾多此去仍家江海上不
妨一葉弄清波

洪休上人少年讀書以多病出家居泐潭爲馬祖修塔以三
絕句來謁答一首

早除郎將少年狂祖塔結緣歸故鄉習氣未消餘業在逢人依舊
琢詩章

勉子瞻失幹子二首

人生本無有眾幻妄聚耳手足非吾親何況妻與子偶來似可樂
強作室家喜忽去未免悲欣成要矜毀君家兩歲兒畢竟何自始

變化違初心涕泗劇翻水
吾儕近始悟造物聊復試
道力竟未完
聰明信難恃破甑不復顧
彼無愛甑心棄璧負赤子
始駭愛子深
誠知均非我胡爲有不能
一從三界遊久被百物侵
朝與喜怒交
莫與寵辱臨四物皆不勝
生死獨未曾不經大火燒
孰爲眞黃金
棄置父子恩長住旃檀林

偶遊大愚見餘杭明雅照師舊識子
瞻能言西湖舊遊將行
賦詩送之

五年賣鹽酒勝事不復知
城東古道場蕭瑟寒松姿
出遊誠偶爾
相逢亦不期西軒吳越僧
弛擔未多時言住西湖中
巖谷涵清漪